

**Predstavljen novi znak  
IZ u BiH**

**Novi web-sajt Rijaseta možete  
posjetiti na:  
[www.islamskazajednica.ba](http://www.islamskazajednica.ba)**

**Rebiu-l-evvel mjesec rođenja Božijeg Poslanika s.a.v.s.  
Izveštaje o aktivnostima u našim džematima u periodu ovog  
mubarek mjeseca objavljujemo u ovom broju Biltena!**



## SADRŽAJ

- Impresum
- Uvodnik

### Aktivnosti IZ


- Mevlud u Ferhadiji

### Džematske aktivnosti

- Helsingborg: Jubilej džemata
- BKC susreti u Boråsu
- Halmstad: Tribina i druženje sa Nezimom-ef. Halilovićem
- Donatorsko veče u Boråsu
- Växjö: Druženje sa hafizom
- Skövde: Mevlud i predavanje
  
- Hutba: Ljubav prema Poslaniku s.a.v.s.

### POZIV NA SARADNJU

Oglasite se i Vi u Biltenu IZB u Švedskoj!  
Javite nam se sa vašim tekstom,  
prijedlogom, primjedbom i sugestijom.  
e-mail: [bilten@izb.se](mailto:bilten@izb.se)



# BILTEN

Informativno glasilo

Islamske zajednice Bošnjaka u  
Švedskoj

### GLAVNI UREDNIK

Idriz-ef. Karaman  
glavni imam

### IZVRŠNI UREDNIK

Almedin-ef. Spahić

### REDAKCIJA:

Savjet glavnog imama:  
Nezir-ef. Špiodić  
Smajo-ef. Šahat  
Elvedin-ef. Bešlija

Stari brojevi/arhiva:

[www.izb.se/index.php/bilten](http://www.izb.se/index.php/bilten)

### Saradnici u ovom broju:

Jasmin Dervišević, sekretar IZB u  
Švedskoj  
Benjamin-ef. Dučić, džemat Växjö  
Mirza Babović, Skövde  
Hamza-ef. Terzić, džemat Jönköping

## UVODNIK



Idriz-ef. Karaman

Mjesec rebiu-l-evvel polahko se primiće kraju. Tokom ovog mjeseca u našim džematima održano je niz prigodnih programa. Proučen je veliki broj mevluda. Poslanikov, a.s., rođendan obilježen je na dostojanstven način.

U našoj Domovini centralna mevludska manifestacija održana je u Banjoj Luci, u ljepotici Ferhadiji. Program su izveli naši najpoznatiji hafizi, a prisutan je bio i reisu-l-ulema, zajedno sa gotovo svim članovima Rijaseta. Događaj za pamćenje.

Odlukom da se centralna manifestacija održi u Banjoj Luci Rijaset je pokazao da brine o svakom pedlju zemlje u kojoj žive naši ljudi.

Osim toga, potvrda je to mevludu, kao sastavnom dijelu naše islamske tradicije. Ima, naravno, i onih koji smatraju da se mevlud ne treba učiti, baš kao i onih

koji misle da mevlud može zamijeniti neke druge redovne ibadete.

Ni jedni ni drugi nisu u pravu, jer je mevlud samo jedno *dobro djelo*, kojim izražavamo svoju ljubav prema Poslaniku, a.s., baš kao što to stoji u dovi jednog od naših mevluda.

Stoga s nestrpljenjem očekujemo objavljivanje pobjednika na raspisani Rijasetov natječaj za najljepši mevludski spjev.

Ovaj Uvodnik završavamo snažnim osjećajem ponosa što je naš vrhovni poglavar u velikom broju ovogodišnjih anketa proglašen za ličnost godine.

Allah mubarek!

Idriz-ef. Karaman



**Slušajte i preko interneta!**  
**[www.bir.ba](http://www.bir.ba)**



## MEVLUD U FERHADJI: Ferhadija plijeni svojom ljepotom



Centralna mevludska svečanost za područje Rijaseta IZ, održana je u utorak 22. decembra 2015. godine u Ferhadiji džamiji u Banjoj Luci, poslije akšam-namaza

Reisu-l-ulema Husein Kavazović prisustvovao je na centralnoj manifestaciji povodom 12. Rebiu-l-evvela, rođendana poslanika Muhammeda a.s., koji je održan u Ferhadiji u Banjoj Luci. "Ferhadija plijeni svojom ljepotom. Drago mi je da smo uspjeli da je obnovimo i vratimo Ferhadiju ovom gradu, koga volimo i u koji rado dolazimo. Nadam se da će ova, kao i druge naše bosanske džamije i dalje nastaviti slati poruke dobra među ljudima, mira i poštovanja. To je njena funkcija uvijek bila i nadam se da će ona ponovo zauzeti ono mjesto koje je bilo izgubljeno njenim rušenjem i slati te važne poruke za sve nas", rekao je reisu-l-ulema Kavazović.

Zejnir Latifović, rekao je da je za njega kao vjernika ovo poseban dan, posebno odabrana noć u kojoj muslimani u BiH, ali i u čitavom svijetu evociraju svoje uspomene na poslednjeg Božijeg poslanika Muhammeda, a. s.

"Inače čovjeku je u prirodi da sve značajnije datume u svojoj povijesti, u svom životu, a pogotovo lijepe, obilježava na poseban način, a ovo je opet jedan poseban momenat za vjernike, za muslimane, jer je na ovaj dan današnji rođen poslanik Muhammed i kroz ovu manifestaciju mevluda, kroz učenje mevluda ilahija, kasida, kur'anskih ajeta, spominjanja hadisa Božijeg poslanika Muhammeda, mi u stvari evociramo svoje uspomene na poslanika Muhammeda, na njegov život, plemenitu misiju, podsjećamo se na ono šta je bio njegov cilj i svrha njegovog dolaska na ovaj svijet. Pokušavamo svoje živote uskladiti s njegovom plemenitom misijom, s njegovim preporukama koje je ostavio nama u amanet", kazao je Latifović.

U programu su učestvovali hor Gazi Husrev-begove medrese iz Sarajeva, hfz. Mensur Malkić, hfz. Šaban Burhan i hfz. Sulejman Bugari.

## JUBILEJ DŽEMATA HELSINGBORG



Džemat Helsingborg u decembru 2015. godine napunio je 15 godina od svog osnivanja. Džematski jubilej i svečanost zajedno sa programom u povodu rođenja poslanika Muhammeda, alejhi selam, održani su sklopu trodnevnog programskog sadržaja. Poseban gost džemata za ovu priliku bio je Muderris Nezim ef. Halilović. Muderris je u petak, 25. decembra klanjao džumu namaz i održao hutbu, a navečer istog dana održana je tribina sa gostom.

U subotu, 26. decembra, poslije jacije namaza održan je centralni program, u kojem su pored Nezim ef. Halilovića, gosti bili Idriz ef. Karaman, glavni imam, Hasan ef. Jašarević (Malmo), Alen ef. Delić (Malmo), Almedin ef. Spahić (Halmstad), Benjamin ef. Dučić (Växjö), i hafiz Jusuf ef. Karaman, također musafir iz Bosne.

Prisutne je poselamio i dobrodošlicu uputio imam džemata Helsingborg Nezir ef. Špiodić, a kraći historijski pregled Džemata sa najvažnijim događajima i aktivnostima iznio je predsjednik Džemata Fahrudin Hasanović.

Ispred Islamske zajednice Bošnjaka u Švedskoj obratio se glavni imam Idriz ef. Karaman pohvalivši rad Džemata i ističući kontinuitet u napretku i radu.

Prisutnima se obratio i hafiz Jusuf ef. Karaman koji je kroz nekoliko kur'anskih ajeta poslao važnu poruku prisutnima. Na kraju se obratio gost svečanosti Nezim ef. Halilović čestitajući Džematu na Jubileju i svojim savjetima podsjećajući džematlije na čuvanje vrijednosti dini-islama.

Posebnu čar i ljepotu ovom programu dali su imami IZBUŠ-a učenjem mevluda i ilahija, a mektebski polaznici džemata Helsingborg su recitacijama i poučnim skečem izmamili emocije i simpatije prisutnih.

Pored doprinosa u organizaciji programa i velikog odziva, čestite džematlije su za sve prisutne tu večer pripremile hranu, kolače i kahvu kako bi se razgalili i osvježili nakon programa.

U nedjelju, 27. decembra, održan je turnir u fudbalu u kojem je učešće uzelo devet ekipa. Turnir je protekao u sjsnoj atmosferi i druženju, a pobjednik turnira bila je ekipa Halmstad B&G.

Poslije podne namaza, istog dana, održano je druženje i predavanje za žene. Na temu "Uloga i doprinos žene muslimanke zajednici i društvu" gvorila je gošća hafiza Merima Horozović (Norrköping)

Tim sadržajem završen je trodnevni program naziva "Salavat tebi, Ja Resulallah".

Zahvaljujemo se svima koji su bili prisutni na aktivnostima, posebna zahvanost džematlijama iz drugih džemata koji su odvojili vremena i uveličali ovaj skup.

Molimo Boga dragog da nam čuva Zajednicu i da džemat Helsingborg kao i svi naši divni džemati dočekuju još puno svoji jubileja sa još boljim rezultatima i većim uspjesima.

"A ko govori ljepše od onoga koji poziva Allahu, koji dobra djela čini i koji govori: 'Ja sam, doista, musliman!'" / Fussilat, 33./

Nezir ef. Špiodić



## SUSRETI BKC, 12.DECEMBAR, BORÅS



U okviru svojih redovnih aktivnosti Bosanski kulturni centar Zapadne Švedske je u subotu 12. decembra organizirao susrete pet džemata. Susreti su organizovani u džematu Borås. Program je započeo sa podne namazom nakon kojeg je obavljeno šerijatsko vjenčanje. Poslije ručka i ikindije namaza kroz program su nas dalje vodile polaznice mektebske nastave džemata Tröllhättan. Program susreta su ispunili lijepi glasovi horova džemata Borås i Tröllhättan. Na kraju programa prisutnima se obratio naš gost prof. dr. hfz. Halil Mehtić, dekan Islamskog pedagoškog fakulteta u Zenici. Svojim lijepim i plemenitim savjetima podsjetio nas je na našu obavezu čuvanja imana, dara kojeg nam je Uzvišeni podario i kojeg jedino sačuvati možemo ako živimo onako kako nam je On kroz Kur'an kazao i Poslanik Njegov svojim životom osvjedočio.

Ezanom za akšam namaz, naši susreti su se približili svome kraju. Lijepo je vidjeti naše džematlije koji se u Njegovo ime okupljaju, susreću i šire mir jedni među drugima. Gospodaru naš uči nas od onih koji se u Tvoje ime susreću, i od onih koji će biti u hladu Arša Tvoga!

E.B.



## Džemat Halmstad: Tribina i druženje sa Nezimom-ef. Halilovićem



Dana 27. decembra 2015.g. poslije podne-namaza, gost redovne džematske tribine u Halmstadu bio je muderris Nezim-ef. Halilović.

Muderris je ovom prilikom govorio o značaju jedinstva Bošnjaka i rada za Zajednicu. Te, posebno istaknuo da džemati ne bi smjeli zapostaviti ni jednog Bošnjaka, da imami dođu do što više džematlija, da o svemu postoje uredne statistike i podaci kako bi brinuli jedni o drugima. Predavanje možete poslušati na džematskoj facebook stranici „Dzemat Halmstad“.

(<https://www.facebook.com/BosnjakiskaIslamiskaForsamlingenHalmstad/?ref=hl>)

Poslije tribine druženje je nastavljeno u prostorijama džemata uz ručak, kahvu i kolače, koje su i ovaj put pripremile vrijedne džematlijeke džemata Halmstad.



**Preporod**  
ISLAMSKE INFORMATIVNE NOVINE



Allah neće izmjeniti  
stanje jednog naroda  
dok taj narod ne  
promijeni sebe  
(Kur'an)



## REBIUL-EVVEL U DŽEMATU VÄXJÖ

Mubarek dani mjeseca Rebiul-evvela u džematu Växjö bili su ispunjeni bogatim sadržajem za sve džematlije. Gost predavač bio je hfz. Jusuf-ef. Karaman. U četvrtak, 24. decembra, upriličeno je predavanje i druženje sa hfz. Jusufom, gdje smo nakon predavanja uz kahvu mogli diskutovati o mnogim temama, a one džematlije koji su imali i poneko pitanje su dobili i adekvatne odgovore od hfz. Jusufa.

Zahvaljući tome da je bio neradni dan, pa je veliki broj džematlija mogao prisustvovati džumi namazu, naš džamijski prostor je bio skoro u potpunosti ispunjen, a imam i hatib je bio hfz. Jusuf-ef. Karaman. Također kao goste smo imali i Hasan-ef. Jašarevića sa omladinskim horom džemata Malmö, koji su svojim glasovima uljepšali petak večer uz mevlud i ilahije, a sve je krunisano još jednim predavanjem, a kasnije i večerom koju su pripremile vrijedne hanume džemata Växjö!

Benjamin-ef. Dučić





## DONATORSKO VEČE U DŽEMATU BORÅS



U okviru realizacije projekta, kupovine zemljišta i izgradnje objekta u Islamskoj zajednici Bošnjaka Borås, organizovana je donatorska večer. Bila je ovo noć koja je okupila vakife, koji su još jednom pokazali svijest o činjenici da čovjeku od imetka pripada ono što

da kao dobročinstvo.

Pozitivna atmosfera, osmjeh na licima prisutnih, obilježili su ovu noć. Nakon što je program otvoren učenjem ajeta Kur'ana Časnog, prisutni su imali priliku poslušati nekoliko ilahija u izvedbi hora džemata Borås, kao i hora Zemzem iz džemata Halmstad, koji su svojim prisustvom dali podršku našem projektu. Na kraju programa Asim Hodžić je izveo nekoliko sevdaliniki.

U svom obraćanju predsjednik džemata Jasmin Fočo prisutnima je poželio dobrodošlicu te dao kraći pregled aktivnosti koje su do sada urađene u okviru Vakuf fonda. Pored džematlija iz džemata Borås prisutni su bili i džematlije iz drugih džemata. Vakifima su se obratili glavni imam Islamske zajednice Bošnjaka u Švedskoj, Idriz ef. Karaman te predsjednik BKC Smajo ef. Šahat. Selame prisutnim ispred BEMUF-a prenio je Tarik ef. Buza. Zadovoljstvo nam je bilo ove večeri ugostiti i dekana Islamskog pedagoškog fakulteta u Zenici, prof. dr. hfz. Halila Mehtića, čije je obraćanje bilo glavna tačka programa. Sa velikom pažnjom prisutni su poslušali plemenite savjete i riječi koje nam je uputio naš gost. Govoreći o važnosti institucije vakufa i odnosa prvih generacija prema istoj, u svima nama se učvrstila odluka da budemo od onih koji djele od onoga čime nas je Uzvišeni počastio iz obilja Svoga. Allah dž.š. uvijek pomaže one koji se u Njegovo ime okupljaju i koji teže djelima kojima je On zadovoljan, molimo Ga da i mi budemo jedni od njih.

Nakon ove večeri naša srca i duše su bogatije, ali je i naš fond jači, i spremniji će dočekati početak radova na objektu. Ovom prilikom pozivamo sve one koji još uvijek nisu dali svoj doprinos za Vakuf fond da to mogu učiniti, a onaj ko uradi i koliko trun dobra vidjet će ga. BG: 5051-0049 (Swedbank) sa naznakom Vakuf fond.

Elvedin-ef. Bešlija



## MEVLUDSKI PROGRAM U SKÖVDEU



U džematskim prostorijama u Skövdeu, petak, 25. decembra 2015. godine, poslije jacije namaza, održana je svečanost u sklopu koje je proučen mevlud u znak sjećanja na krunu svega stvorenoga.

Naše sjećanje i spominjanje zaslužuju oni koji su se stavili u službu njegovanja i promoviranja trajne i vječne vrijednosti. Ne postoji niti jedna ličnost u svijetu, koje se ljudi na takav način i sa toliko emocija prisjećaju i u čiju čast organizuju tradicionalne svečanosti stoljećima kroz historiju, kao što je to Muhammed, a.s, koji je bio univerzalna ličnost u svim

životnim segmentima.

Tako su i džematlije u Skövdeu imale priliku da uživaju u predivnoj atmosferi ispunjenoj duhovnošću i osjećajem sreće, uz emocionalnu izvedbu mevluda, ilahija i kasida hora ovog džemata.

Na samom početku mevludskog programa, a nakon što je džematlija, Jasmin Džafić, proučio ašare, džematu se obratio imam, Smajo ef. Šahat. Uz zahvalu Allahu dž.š. i uz salavate i selame na Muhammed pejgambera, Smajo ef. je kazao da su mevludi poseban izražaj čijim učenjem muslimani Bosne i Hercegovine i Balkana obilježavaju rođenje posljednjeg Božijeg poslanika Muhammeda a.s. i prisjećaju se njegovog života i poslaničke misije. Učenje i priređivanje mevluda spada u našu bošnjačku tradiciju. Nije to obavezna tradicija, ali je lijepo i pohvalno da se to prakticira, posebno za nas ovdje daleko od naše Domovine Bosne i Hercegovine, a kao jedan od vidova da čuvamo i očuvamo naš islamski identitet. Na mevlud treba gledati kao na lijevu islamsku manifestaciju tokom koje se donosi salavat na Poslanika Alejhisselam, drže predavanja o njegovoj ličnosti i podstiču muslimani da slijede njegovu uputu i njegov put.

Gost ovog mevludskog programa bio je jedan od najmlađih imama u Švedskoj, imam u džematu Jönköping, Hamza ef. Terzić. U svom obraćanju on je između ostalog kazao da je u cijeloj ljudskoj povijesti, nemoćne naći veličanstveniji primjer i priču o iskrenoj i istinskoj ljubavi, kao što je primjer i priča o ljubavi Muhammeda, s.a.v.s., prema njegovom ummetu i čežnja za susretom sa svojim sljedbenicima koji nisu bili njegovi savremenici. O toj neopisivoj ljubavi svjedoče i posljednji trenuci dunjalučkog života, našeg voljenog Poslanika, s.a.v.s.

Naš voljeni Poslanik, s.a.v.s., je nekoliko dana prije njegovog preseljenja na Ahiret, hodao sa svojim ashabima (u to vrijeme on je imao velike poteškoće da sam hoda), i izgovorio je riječi koje će srce svakog muslimana ispuniti radosti i ugodnosti.

On im je rekao:

“Volio bih da sam sreo svoju braću”.

Zbunjeni ashabi su ga upitali:

“Zar mi nismo tvoja braća?”

On im odgovori:

“Vi ste moji ashabi, moja braća su oni koji će vjerovati u mene, a da me nisu vidjeli”.

On je čeznuo da nas upozna. Njegovo srce je bilo ispunjeno ljubavlju prema nama, onima koji vjeruju u njega a da ga nisu vidjeli, i ako postoji ijedna stvar koju znamo o njegovoj ljubavi, to je da to nije površna ljubav. Nema većeg osjećaja na ovom svijetu od voljeti i da vam je ta ljubav uzvraćena, a sada zamislite da volite najbolje stvorenje, i da znate činjenicu da vam je ta ljubav uzvraćena”, rekao je Hamza ef. Terzić.

Mevludski program je okončan učenjem dove, a nakon toga su džematlije imale priliku da se druže uz kahvu i kolače koje su za ovu priliku pripremile naše vrijedne džematlijeke.

ALLAHUMME SALLI ALA MUHAMMEDIN VE ALA ALI MUHAMMED

Mirza Babović

## HUTBA O LJUBAVI PREMA POSLANIKU S.A.V.S.



Hvala i zahvala pripada Gospodar, Allahu, dž.š., Koji je u nas usadio ljubav prema našem poslaniku Muhammedu, a.s. Neka je salavat i selam na našeg peygambera, miljenika, Muhammeda, s.a.v.s.

Govorit ću par riječi o upečatljivoj i nenadmašnoj ljubavi ashaba prema Muhammedu, sallallahu alejhi ve sellem. Neka to bude još jedna lekcija istinske ljubavi, koja će nam pojačati želju za slijeđenjem njegova sunneta i samim time ostvarivanja prava za njegov šefa'at, na Dan kada čovjeku neće koristiti nikakvo bogatstvo i imetak, već samo jačina imana i dobra djela!

Braćo, podsjećam sebe i vas na dio 6. ajeta Sure Al-Ahzab:

*Poslanik (sallallahu alejhi ve sellem) je preči mu'minima od njih samih sebi, a njegove supruge su njihove majke...*

Ashabi, ta najbolja i najiskrenija generacija muslimana, koja je islam učila od Poslanika, sallallahu alejhi ve sellem, u vrijeme spuštanja Objave, generacija koja je imala čast da se druži sa Allahovim miljenikom, Muhammedom, sallallahu alejhi ve sellem, i u njegovo vrijeme se žrtvuje imecima i životima na Allahovu, dželle še'n-uhu, putu pokazala je najviši stupanj ljubavi prema Muhammedu, sallallahu alejhi ve sellem.

Prvi primjer ljubavi prema Poslaniku, a.s., je primjer Sevbanu, r.a. Kada je Poslanik, sallallahu alejhi ve sellem, Sevbanu, radijallahu nahu, oslobodio ropstva, prepustio mu je na volju da ostane kod njega ili da ide sa babom i rođacima, koji su došli po njega, u Jemen. On je odabarao Poslanika, sallallahu alejhi ve sellem. U predaji koju bilježi imam Begavi stoji: „Sevban, radijallahu anhu, oslobođeni rob Poslanika, sallallahu alejhi ve sellem, koji ga je puno volio, jednoga dana je došao kod Allahovog Poslanika, sallallahu alejhi ve sellem, potpuno blijed. Allahov Poslanik, sallallahu alejhi ve sellem, ga upita: "Sevbane, jesi li to bolestan?" Reče: "Allahov Poslaniče, dobro sam i nisam bolestan, već te nisam vidio, a kada te ne vidim, mnogo mi nedostaješ. Sada sam potpuno miran. Ali, kada se sjetim Ahireta, bojim se da te neću vidjeti, pošto ćeš ti biti sa Allahovim poslanicima, alejhimus-selam, a ako ja uđem u Džennet, biću na stepenu nižem od tvoga, a ako ne uđem u Džennet, nikada te neću ni vidjeti." Nakon toga su objavljeni 69. i 70. ajet Sure An-Nisa':

*Oni koji su pokorni Allahu i Poslaniku biće u društvu poslanika, iskrenih, šehida i dobrih, kojima je Allah milost Svoju darovao, a dobro li je to društvo!(69) To je Allahova blagodati, a dovoljno je to što Allah sve zna.(70)*

Drugi primjer je prijem Talhe ibn Ubejdullaha, r.a. On je nakon bitke na Uhudu dobio nadimak „Živi šehid“. Historijski izvori bilježe da je Poslanik, sallallahu alejhi ve sellem, u bici na Uhudu u jednom trenutku ostao sam u okruženju Mušrika, sa svega jedanaest ashaba. Braneći Allahova Poslanika, sallallahu alejhi ve sellem, njih deset je postiglo šehadet, a Talha ibn Ubejdullah, radijallahu anhu, je na kraju ostao sam sa Poslanikom, sallallahu alejhi ve sellem. Kada su mušrici bili sigurni da će ubiti Allahovog Poslanika, sallallahu alejhi ve sellem, hrabri Talha, radijallahu anhu, im se odupire i odbija napade, štiteći svojim tijelom, Poslanika, sallallahu alejhi ve sellem. Tom prilikom je Poslaniku, sallallahu alejhi ve sellem, izbijen zub i ranjen je u čelo i usnu, lice mu je bilo krvavo, a bio je veoma umoran i iscrpljen. Kaže Ebu Bekr Es-Siddik, radijallahu anhu: “Kada smo prišli Poslaniku, sallallahu alejhi ve sellem, da mu pomognemo, naredio nam je da to prvo učinimo Talhi, radijallahu anhu, koji je tom prilikom zadobio sedamdeset i devet rana sabljama, kopljima i strijelama.

Kad smo mu prišli, našli smo ga u jarku, bez svijesti, a ruka mu je bila odsječena.” Allahov Poslanik, sallallahu alejhi ve sellem, je poslije imao običaj kazati: “Ko želi da vidi šehida koji hoda po Zemlji, neka gleda Talhu bin Ubejdullaha!” A Ebu Bekr Es-Siddik, radijallahu anhu, je kada bi neko spomenuo Uhud, obično kazao: “Taj dan je bio Talhin dan.”

- Nakon što se Medinom proširila vijest o smrti Poslanika, sallallahu alejhi ve sellem, ustao je Bilal ibn Rebbah, radijallahu anhu, prvi muezzin u islamu da prouči ezan i time izvrši svoju dužnost, kojom ga je Poslanik, sallallahu alejhi ve sellem, zadužio. I započeo je ezan, ali kada je vidio da u mihrabu nema Poslanika, sallallahu alejhi ve sellem, okrenu se prema njegovoj kući, iz koje on nije izlazio, pa osjeti veliku prazninu i samoću, jer ostade bez svoga učitelja, vođe i Poslanika, pa kako da dovrši ezan? Nekako je proučio prvi dio ezana, ali kada dođe do riječi



Zajeca, a u plač briznuše i svi prisutni ashabi. Bolje reći, plakala je čitava Medina. Bilal, radijallahu anhu, se u plaču baci na zemlju i ostade na njoj ležati. Kako da bude muezzin, a nema njegova imama?

Velika je blagodat, na nas braćo što smo pripadnici ummeta Poslanika, sallallahu alejhi ve sellem, i što idemo jasnim putevima islama i što će se on, sallallahu alejhi ve sellem, zauzimati za nas na Sudnjem danu. Zbog toga nam je Poslanik, sallallahu alejhi ve sellem, preči i od nas samih sebi.

Ljubav prema Poslaniku, sallallahu alejhi ve sellem, se ogleda u slijedenju njegova sunneta, a zlatna generacija ashaba nije postavljala pitanja i potpitanja na ono što je Muhammed, sallallahu alejhi ve sellem, tražio od njih ili što im je zabranjivao, jer su bili uvjereni da *"وَمَا يَنْطِقُ عَنِ الْهَوَىٰ" on ne govori iz svoga hira'* (Suretu En-Nedžm, 3.) i sve što je govorio on je na najljepši način primjenjivao u svome svakodnevnom životu. Poslanik, sallallahu alejhi ve sellem, ih je upozorio da je postavljanje mnogobrojnih pitanja od strane naroda kojima su dolazili poslanici prije njega bilo uzrokom njihovog dalaleta i grijeha. Prenosi Abdullah ibn Hišam, radijallahu anhu: "Bili smo kod Poslanika, sallallahu alejhi ve sellem, kada je uzeo za ruku Omera ibn El-Hattaba, pa mu Omer reče: "Allahov Poslaniče, draži si mi od svega, sem od mene samoga sebi!" Pa je Poslanik, sallallahu alejhi ve sellem, rekao: **"Ne, tako mi Onoga u Čijoj je ruci moj život, sve dok ti ne budem draži od samog sebe!"** Pa mu je Omer rekao: "Sada si mi tako mi Allaha draži od mene samoga sebi!" Poslanik, sallallahu alejhi ve sellem, reče: **"Sada, Omere!"** (Buharija)

Prenosi Enes ibn Malik, radijallahu anhu, da je Poslanik, sallallahu alejhi ve sellem, rekao: *„Niko od vas neće biti pravi mu'min, dok mu ne budem draži od djece, roditelja i svih ljudi!“* (Buharija)

Prenosi Enes ibn Malik, radijallahu anhu, da je Poslanik, sallallahu alejhi ve sellem, rekao: *"Kod koga budu tri svojstva, osjetiće slast imana: Da mu Allah i Poslanik (sallallahu alejhi ve sellem), budu draži od svega mimo njih, da voli nekoga samo u Allahovo ime i da mrzi povratak u nevjerstvo, kao što mu je odvratno da bude bačen u vatru!"*(Buharija)

Zapitajmo se braćo da li posjedujemo troje pomenuto u hadisu, te da li u nama ima slasti imana ili islam doživljavamo kao dio naše tradicije, sredstvo kojim se vješto koristimo i plašt iza kojeg se krijemo!? Poslanik, sallallahu alejhi ve sellem, je Allahov, subhanehu ve te'ala, Miljenik, onaj koji poziva Allahu, čvrsta veza na putu prema Stvoritelju, opominjač, donosilac radosnih vijesti, onaj koji ljudima ukazuje na spas, tumač Kur'ana, onaj koji uspostavlja Allahov, dželle še'nuhu, Zakon, predvodnik poslanika, najbolji poslanik, naš predvodnik, zagovarač, poslanik čovječanstvu, spas i mir. Njemu je Allah, subhanehu ve te'ala, mimo drugih ljudi dao pravo šefa'ata (zagovaranja, zauzimanja), dao mu je Kevser (Izvor u džennetu) i na njega donose salavat Allah, dželle še'nuhu, i meleki, kao što stoji u 56. ajetu Sure Al-Ahzab:

*Allah i meleki Njegovi donose salavat (blagoslov) na Vjerovjesnika. O vjernici, donosite i vi na njega salavat i šalžite mu selam!*

*Prenosi Ebu Hurejre, radijallahu anhu, da je Poslanik, sallallahu alejhi ve sellem, rekao: Ko na mene donese salavat, Allah na njega donosi deset salavata!"*(Muslim)

Zato donosimo što više salavat na Muhammeda, sallallahu alejhi ve sellem, jer će svaki put na nas salavat deset puta donijeti Allah, subhanehu ve te'ala, a velika je to blagodat i zaštita za iskrenog mu'mina!

Ljubav prema Poslaniku, sallallahu alejhi ve sellem, se iskazuje sa: njegovim uvažavanjem, donošenjem salavata, slijedenjem njegova sunneta i pomaganjem njegove vjere; jednom riječju da ga volimo i slijedimo, kao što su ga voljeli i slijedili njegovi plemeniti ashabi i dobre generacije muslimana poslije njega „Obratio nam se Poslanik, sallallahu alejhi ve sellem, jedno jutro poslije sabaha, dirljivim obraćanjem, od kojeg su zasuzile oči i zatreperila srca, pa je neko kazao: „Ovo je oproštajni govor, pa šta nam preporučuješ Allahov Poslaniče?“ Reče: „Preporučujem vam takvaluk (bogobožnost), poslušnost i pokornost, pa makar abesinskom robu. Uistinu ko poživi od vas nakon mene vidjeće mnogobrojna razilaženja. Čuvajte se novotarija, jer su one zabluda! Ko od vas to doživi, držite se čvrsto moga sunneta i sunneta pravednih upućenih halifa i za to se borite i zubima!“ (Buharija)

Molim Allaha Uzvišenog da nam usadi iskrenu ljubav prema Poslaniku, a.s.! Amin!

Hatib: Hamza-ef. Terzić